

2022 йил « 22 » июндаги
« SIMURG » Акциядорлик Жамияти
акциядорларнинг йиллик умумий
йиғилиши томонидан
«ТАСДИКЛАНГАН»



«SIMURG» АЖ Директори
Асфандиярова Тамила Камильевна

«SIMURG» АКЦИЯДОРЛИК ЖАМИЯТИНИНГ УСТАВИ (ЯНГИ ТАХРИРИ)

1 – МОДДА

ЖАМИЯТНИНГ НОМИ, МАНЗИЛИ ВА ҲУҚУҚИЙ МАҚОМИ

1.1. Жамиятнинг номи:

- Ўзбекистон Республикаси давлат тилида: «SIMURG» Aksiyadorlik Jamiyati - «SIMURG» AJ;
- рус тилида: Акционерное Общество «SIMURG» - АО «SIMURG»;
- инглиз тилида: Joint-Stock Company «SIMURG» - JC «SIMURG».

1.2. Жамиятнинг юридик манзили: Ўзбекистон Республикаси, Тошкент шаҳри, Яшнабод тумани, Паркент 7-тор кўчаси, 2 уй, почта индекси 100007.

1.3. Электрон почта манзили: buh@simurg.uz; веб-сайти – www.aosimurg.uz.

1.4. «SIMURG» акциядорлик жамияти (қуйида «Жамият» деб аталади) Ўзбекистон Республикаси Давлат мулкни бошқариш давлат қўмитаси Тошкент шаҳар бошқармасининг акциядорлик жамиятига айлантириш тўғрисидаги 1994 йил 28 декабр 789-к-ПО-сонли фармойишига асосан «Тошкент радиоэлектрон аппаратураси заводи» давлат корхонасидан ташкил килинган.

1.5. Жамият юридик шахс ҳисобланади ва ўз фаолиятини “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Ўзбекистон Республикаси қонуни ҳамда Ўзбекистон Республикасида амалда бўлган қонун ҳужжатлари ва мазкур Уставга мувофиқ олиб боради. Жамиятнинг Устави жамиятнинг таъсис ҳужжати деб ҳисобланади.

1.6. Жамият юридик шахс бўлиб, у ўз мустақил балансида ҳисобга олинган алоҳида мол-мулкка, шу жумладан ўзининг устав фонди (устав капиталига) берилган мол-мулкка эга бўлади, ўз номидан мулк ва шахсий номулк ҳуқуқларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлиши мумкин.

1.7. Жамият давлат рўйхатидан ўтган пайтдан бошлаб юридик шахс мақомига эга бўлади. Жамият чекланмаган муддатга тузилади.

1.8. Жамият давлат тилида тўлиқ ўзининг фирма номи ёзилган ҳамда жойлашган жойи кўрсатилган думалоқ муҳрга эга, шунингдек, жамият Ўзбекистон Республикаси ҳудудида ва ундан ташқарида банк ҳисобварақларини очишга ҳақлидир.

1.9. Жамият ўз номи ёзилган штамп ва бланкаларига, ўз тимсоли (эмблемаси)га, шунингдек фуқаролик муомаласи иштирокчиларининг, товарларнинг, ишларнинг ва хизматларнинг хусусий аломатларини акс эттирувчи бошқа воситаларга эга бўлишга ҳақли.

2 – МОДДА

ЖАМИЯТНИНГ МАҚСАДИ ВА АСОСИЙ ФАОЛИЯТ ЙўНАЛИШЛАРИ

2.1. Жамият қонунчилик ҳужжатларида ман этилмаган исталган фаолият турини амалга ошириш ва фойда олиш мақсадида ташкил этилган.

2.2. Жамият қуйидаги фаолиятларни амалга оширади:

- кўчириб бўладиган ва кўчмас мулкни сотиш ва ижарага бериш;
- улгуржи ва чакана савдони ташкиллаштириш ва амалга ошириш;
- алюминий ва пластик конструкциялар (ром, эшик, витражлар ва бокалар) ни ишлаб чиқариш ва сотиш;
- қурилиш, монтаж таъмир-қурилиш ишларнинг тақиллаштириш ва юритиш, бино ва иншоотларни ишлатиш;
- пардоз, қурилиш материалларини ишлаб чиқариш;
- инвестицион фаолияти;
- кўчмас мулк объектларига эгалик қилиш, қайта қуриш, модернизация қилиш ва тиклашга инвестицияларни жалб этиш;
- хўжалик жамиятларида акция, улушларни сотиб олиш ва сотиш, давлат тасарруфидан чиқариш ва хусусийлаштириш жараёнлари, қимматли қоғозлар билан операцияларда иштирок этиш;
- инвестицион дастурларида иштирок этиш;

- бозорларни маркетинг тадқиқ қилиш, маркетинг тадқиқотлар соҳасида хизмат кўрсатиш;
- халқ истеъмоли молларини ишлаб чиқариш ва сотиш;
- ишлаб чиқариш-техник мақсаддаги молларни ишлаб чиқариш;
- мураккаб радиотехник комплексларни комплекшлаш ва ишлов бериш;
- илмий-тадқиқий ва тажриба-конструкторлик ишларини ўтказиш, конструкторлик ва тажриба-конструкторлик ишларини ишлаб чиқиш ва ишлов бериш, четдан туриб кузатувчи ташкилотларнинг буюртмалари бўйича конструкторлик-технологик документацияни ишлаб чиқиш ва ишлов бериш, макет ва тажриба намуналарини ишлаб чиқариш;
- товар, иш ва хизматларни экспорт ва қайта экспорт қилиш бўйича операцияларни амалга ошириш;
- ташқи иқтисодий фаолият. Товар, иш ва хизматларни импорт қилиш бўйича операцияларни амалга ошириш;
- валюта-молия операциялари ва қимматли қоғозлар билан операцияларни амалга ошириш;
- илғор технологияларни ишлаб чиқиш ва жорий қилиш;
- транспорт хизматларини кўрсатиш;
- менеджмент, консалтинг, лизинг, дилерлик операциялари;
- технологик асбоб-ускуна сервис, монтаж, таъмир ишлари, созлаш ва хизмат кўрсатиш;
- НОУ-ХАУ технологик линиясини сотиб олиш;
- реклама ишларини ташкил қилиш ва ўтказиш;
- Ўзбекистон Республикаси ҳудуди ва хорижда қўшма корхоналарини ташкил қилишда иштирок этиш;
- Траст, брокерлик, дистрибьюторлик, консалтинг ва бошқа савдо хизматлари, шу жумладан, ишлаб чиқариш-хўжалик, савдо ва молия фаолият соҳасида Ўзбекистон Республикаси, МДХ давлатлари ва узоқ хориж юридик ва жисмоний шахсларнинг ишончномалари бўйича амалга ошириладиган операциялар;
- автотранспорт хизматлари ва ишлари, шу жумладан, юк ва йўловчиларни ташиш, автотранспорт ва бошқа техник воситаларни таъмирлаш, уларга техник хизмат кўрсатиш;
- Ўзбекистон Республикаси қонун ҳужжатларида ман этилмаган фаолият турлари.

2.3. Жамият ўзининг кучи билан ҳамда жамоат ташкилотлари, корхоналари, хорижий компаниялари ва жисмоний шахслар иштирокида амалдаги қонунга зид бўлмаган шартномалар ва контрактлар тузиш орқали молиявий ва ишлаб чиқариш фаолиятини олиб бориши мумкин.

2.4. Махсус рухсатнома(лицензия)лар талаб қилинадиган фаолият турлари қонун ҳужжатларида белгиланган тартибда рухсатнома(лицензия)лар олингандан сўнг амалга оширилади.

3 – МОДДА

УСТАВ ФОНДИ МИҚДОРИ

3.1. Жамиятнинг устав фонди акциядорлар томонидан сотиб олинган жамият акцияларининг номинал қийматидан ташкил топади ва Ўзбекистон Республикасининг миллий валютасида ифодаланади. Жамият томонидан чиқарилган ҳамма акцияларнинг номинал қиймати бир хил бўлиши шарт.

3.2. Жамиятнинг устав фонди унинг кредиторлари манфаатларини кафолатлайдиган жамият мол-мулкнинг энг кам миқдорини белгилайди.

3.3. Устав фондининг миқдори 687 376 500 (олти юз саксон етти миллион уч юз етмиш олти минг беш юз) сумми ташкил қилиб, 1 374 753 (бир миллион уч юз етмиш тўрт минг етти юз элли уч) дона эгасининг номи ёзилган оддий акцияга бўлинган.

3.4. Бир дона акциянинг номинал қиймати 500 (беш юз) сўми ташкил қилади.

4 – МОДДА

ЖАМИЯТНИНГ УСТАВ ФОНДИНИ КЎПАЙТИРИШ ВА КАМАЙТИРИШ ТАРТИБИ

а) Жамият устав фондини кўпайтириш

4.1. Жамиятнинг устав фонди кўшимча акциялар чиқариш ва жойлаштириш йўли билан кўпайтирилиши мумкин.

4.2. Кўшимча акциялар Жамиятнинг мазкур Уставида тасдиқланган ва эълон қилинган акциялар миқдори доирасида жойлаштирилиши мумкин.

4.3. Жамиятнинг устав фондини кўпайтириш ва ушбу Жамият Уставига ўзгартиришлар киритиш тўғрисида қарорлар Жамиятнинг Кузатув кенгаши томонидан қабул қилинади.

4.4. Жамиятнинг устав фондини кўпайтириш тўғрисидаги қарорда жойлаштирилиши керак болган кўшимча оддий акциялар сони, уларнинг жойлаштириш муддати ва шартлари белгиланиши керак.

б) Жамият устав фондини камайтириш

4.5. Жамиятнинг устав фонди акцияларнинг номинал қийматини камайтириш ёки уларнинг умумий сонини қисқартириш, шу жумладан акцияларнинг бир қисмини кейинчалик бекор қилиш билан жамият томонидан сотиб олиш йўли билан камайтирилиши мумкин.

4.6. Акцияларнинг бир қисмини сотиб олиш ва бекор қилиш йўли билан Жамиятнинг устав фондини камайтиришга акциядорлар Умумий йиғилишининг тегишли қарори билан йўл қўйилади.

4.7. Жамиятнинг устав фондини камайтириш ва Жамият Уставига тегишли ўзгартиришлар киритиш тўғрисида қарорлар акциядорлар Умумий йиғилишида қабул қилинади.

4.8. Жамиятнинг устав фондини камайтириш тўғрисида қарор қабул қилганда, акциядорларнинг Умумий йиғилиши Устав фондининг камайтириш сабабларини кўрсатади ва камайтириш тартибини белгилайди.

5 – МОДДА

**ЧИҚАРИЛАДИГАН АКЦИЯЛАРНИНГ ТУРЛАРИ,
УЛАРНИНГ НОМИНАЛ ҚИЙМАТИ**

5.1. Жамият қимматли қоғозларини муомалага чиқариш, рўйхатга олиш, жойлаштириш ва ҳисоб-китоб қилиш тартиби амалдаги Ўзбекистон Республикаси қонунчилик ҳужжатларига, мазкур Уставга мувофиқ белгиланади.

5.2. Жамият Ўзбекистон Республикаси қонунчилик ҳужжатларига ва ўз уставига мувофиқ корпоратив облигацияларни ва бошқа қимматли қоғозларни чиқаришга ҳамда жойлаштиришга ҳақли.

5.3. Жамият томонидан 1 374 753 (бир миллион уч юз етмиш тўрт минг етти юз эллик уч) дона оддий эгаси ёзилган ҳужжатсиз шаклдаги акция умумий қиймати 687 376 500 (олти юз саксон етти миллион уч юз етмиш олти минг беш юз) сўмни ташкил этган, ҳар бирининг номинал қиймати 500 (беш юз) сўм бўлган акция чиқарилди ва жойлаштирилди.

5.4. Машҳур акцияларидан ташқари жамият 5 000 000 000 (беш миллиард) суммаси миқдорида 500 (беш юз) сумдан номинал қиймати билан эълон қилинганга қoшимча 10 000 000 (ўн миллион) дона оддий эгаси ёзилган акция амалга ошириш ҳуқуқига эга.

5.5. Эгаси ёзилган акцияларни бир шахсдан иккинчи шахсга берилиши амалдаги қонун ҳужжатлари ҳамда қимматли қоғозлар тўғрисидаги норматив ҳуқуқий ҳужжатлар талабларига мувофиқ расмийлаштирилади.

5.6. Жамият томонидан акцияларни ва акцияларга айирбошланадиган, ҳақи пул маблағлари билан тўланадиган эмиссиявий қимматли қоғозларни жойлаштиришда овоз берувчи акцияларнинг эгалари бўлган акциядорлар уларни имтиёзли олиш ҳуқуқига эга. Акциядор, шу жумладан акциядорларнинг умумий йиғилишида қарши овоз берган ёхуд унда иштирок этмаган акциядор акцияларни ва акцияларга айирбошланадиган эмиссиявий қимматли қоғозларни ўзига тегишли шу турдаги акциялар миқдorigа мутаносиб миқдорда имтиёзли олиш ҳуқуқига эга.

5.7. Акцияларга бўлган ҳуқуқлар акцияларни олувчига унинг депо ҳисобварағига тегишли кирим ёзуви киритилган пайдан эътиборан ўтади ва қонун ҳужжатларида белгиланган тартибда бериладиган депо ҳисобварағидан кўчирма билан тасдиқланади.

5.8. Акцияларга айирбошланидиган қимматли қоғозлар Жамият томонидан жойлаштирилган тақдирда эълон қилинган акцияларнинг сони ушбу қимматли қоғозларнинг муомалада бўлиши муддати мобайнида айрибошлаш учун зарур миқдордан кам бўлмаслиги лозим.

5.9. Жамият ўзи жойлаштирган қимматли қоғозлар айрибошланиши мумкин бўлган акциялар берадиган ҳуқуқларни чеклаш ҳақида ушбу қимматли қоғозлар эгаларининг розилигисиз қарор қабул қилишга ҳақли эмас.

5.10. Акциядорлар умумий йиғилишининг қарорига мувофиқ жамият жойлаштирилган акцияларни йириклаштиришга ҳақли бўлиб, бунинг натижасида жамиятнинг икки ёки ундан ортиқ акцияси худди шу турдаги битта янги акцияга айирбошланади. Бунда жамият уставига унинг жойлаштирилган акцияларининг номинал қийматига ва сонига тааллуқли тегишли ўзгаришлар киритилади.

5.11. Акциядорлар умумий йиғилишининг қарорига кўра жамият жойлаштирилган акцияларни майдалашни амалга оширишга ҳақли бўлиб, бунинг натижасида жамиятнинг бир акцияси худди шу турдаги икки ёки ундан ортиқ акцияга айирбошланади. Бунда жамият уставига жамиятнинг жойлаштирилган акцияларининг номинал қийматига ва сонига тааллуқли тегишли ўзгаришлар киритилади.

6 – МОДДА

ДАРОМАДНИ (ФОЙДАНИ), ДИВИДЕНДЛАРНИ ТАҚСИМЛАШ ВА ЗАРАРЛАРНИ ҚОПЛАШ ТАРТИБИ

6.1. Хожалик фаолияти натижасида Жамият томонидан олинган фойда амалдаги қонунчилик ҳужжатларига мувофиқ солиқ тўланганидан кейин Жамиятнинг мулки бўлиб қолади ва амалдаги қонунчилик ва ушбу Уставга мувофиқ Жамиятда фондлар (захира ва бошқа фондларни) яратишга, акциялар бўйича дивидендларни тўлашга сарфланади.

6.2. Дивидендлар акциядорларга жамиятнинг ихтиёрида қоладиган соф фойдасидан ёки ўтган йилги тақсимланмаган фойдасидан тўланади. Жамият акциялар бўйича эълон қилинган дивидендларни тўлаши шарт.

6.3. Акциядорлар умумий йиғилишининг қарорига биноан дивидендлар нақд пулда ёки бошқа қонуний тўлов воситаларида ёки жамиятнинг қимматли қоғозларида тўланиши мумкин. Дивидендлар акциядорлар ўртасида уларга тегишли акциялар сони ва турига мос равишда тақсимланади.

6.4. Жамият молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра, жойлаштирилган акциялар бўйича дивидендлар тўлаш тўғрисида қарор қабул қилишга ҳақли.

6.5. Дивидендларни тўлаш тўғрисидаги қарор, дивиденд миқдори, ҳар бир турдаги акциялар бўйича уни тўлаш шакли ва тартиби акциядорларнинг умумий йиғилиши томонидан жамият кузатув кенгашининг тавсияси, молиявий ҳисоботнинг ишончлилиги ҳақида аудиторлик хулосаси асосида қабул қилинади. Дивидендлар миқдори жамиятнинг Кузатув кенгаши томонидан тавсия этилган миқдордан кўп бўлиши мумкин эмас.

Жамият томонидан оддий акциялар бўйича ҳисобланган дивидендларни тўлаш акциядорларнинг дивидендлар олиш бўйича тенг ҳуқуқларидан келиб чиққан ҳолда қарор қабул қилинган кундан бошлаб 60 (олтмиш) кунлик муддатдан кечиктирмай амалга оширилади.

6.6. Акциядорлар умумий йиғилишининг қарори билан мулкдор ёки унинг ҳуқуқий вориси ёки меросхўри томонидан 3 (уч) йил давомида талаб қилинмаган дивидендлар жамият ихтиёрида қолади.

6.7. Жамият Ўзбекистон Республикаси норезидент акциядорининг ёзма талабига кўра унга ҳисобланган дивидендларни эркин конвертация қилинадиган валютага айлантириб, маблағларни норезидент акциядор тақдим этган банк ҳисобварағига ўтказиб бериши шарт.

6.8. Акциядорларга дивидендларни тўлаш тўғрисида қарор қабул қилинган акциядорларнинг умумий йиғилишини ўтказиш учун шакллантирилган жамият акциядорларининг реестрида қайд этилган шахслар акциялар бўйича дивиденд олиш ҳуқуқига эга.

6.9. Жамият акциялар бўйича дивидендлар тўлаш тўғрисида қарор қабул қилишга ва тўлашга ҳақли эмас:

- агар дивидендлар тўлаш пайтида жамиятда банкротлик белгилари мавжуд бўлса ёки дивидендларни тўлаш натижасида ушбу белгилар жамиятда пайдо бўлса;
- агар жамият соф активлари қиймати унинг устав фонди ва заҳира фонди миқдоридан кам бўлса.

Ушбу бандда кўрсатилган ҳолатлар тугатилгандан сўнг, жамият акциядорларга ҳисобланган дивидендларни тўлаши шарт.

7 – МОДДА

ЗАҲИРА ВА БОШҚА ФОНДЛАРНИ ТАШКИЛ ЭТИШ ТАРТИБИ

7.1. Жамиятда устав фонди (устав капитали)нинг 15 (ўн беш фоиз) %дан кам бўлмаган миқдорда заҳира фонди тузилади.

7.2. Жамиятнинг заҳира фонди фақат қонунчиликда руҳсат этилган мақсадларга ишлатилади.

7.3. Жамиятнинг заҳира фонди соф фойдадан 5 % (беш фоиз) миқдордаги ҳар йилги мажбурий ажратмалар ҳисобига шакллантирилади, токи бу миқдор Жамиятнинг устав фондида белгиланган 15 % (ўн беш фоиз)дан кам бўлмаган миқдорга етгунига қадар.

7.4. Заҳира фонди қисман ёки тўла ишлатилган бўлса, мажбурий тўловлар янгиланади.

8 - МОДДА

АКЦИЯДОРЛАРНИНГ ҲУҚУҚ ВА БУРЧЛАРИ

8.1. Акциядорлар қуйидаги ҳуқуқларга эгадирлар:

- тегишли жамият акциядорларининг реестрига киритилиш;
- ўзига нисбатан депо ҳисобварағидан кўчирма олиш;
- жамият фойдасининг бир қисмини дивидендлар тарзида олиш;
- жамият тугатилган тақдирда ўзларига тегишли улушга мувофиқ мол-мулкнинг бир қисмини олиш;
- акциядорларнинг умумий йиғилишларида овоз бериш орқали жамиятни бошқаришда иштирок этиш;
- жамиятнинг молия-хўжалик фаолияти натижалари тўғрисида тўлиқ ва ишончли ахборотни белгиланган тартибда олиш;
- олган дивидендини эркин тасарруф этиш;
- қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;
- ўзига етказилган зарарнинг ўрни қопланишини белгиланган тартибда талаб қилиш;
- ўз манфаатларини ифодалаш ва ҳимоя қилиш мақсадида уюшмаларга ва бошқа нодавлат нотижорат ташкилотларига бирлашиш;
- қимматли қоғозларни олишда зарар кўриш, шу жумладан бой берилган фойда эҳтимоли билан боғлиқ таваккалчиликларни суғурта қилиш ҳуқуқига эга.
- бошқа қонун ҳужжатлари ва жамият уставига мувофиқ ҳуқуқларга.

8.2. Акциядор томонидан ҳуқуқларнинг амалга оширилиши бошқа акциядорларнинг ҳуқуқлари ва қонун билан кўриқланадиган манфаатларини бузмаслиги лозим.

8.3. Акцияларни бошқа шахсга беришга доир чеклов белгиланиши акциядорни - мазкур акциялар эгасини қонунчиликда белгиланган тартибда жамиятни бошқаришда иштирок этиш ва улар бўйича дивидендлар олиш ҳуқуқидан маҳрум қилмайди.

8.4. Оддий акцияларнинг эгалари бўлган акциядорлар қонунчиликга ва жамият уставига мувофиқ акциядорларнинг умумий йиғилишида мазкур йиғилиш ваколатига қирадиган барча масалалар бўйича овоз бериш ҳуқуқи билан иштирок этиши мумкин, шунингдек дивидендлар олиш, жамият тугатилган тақдирда эса, ўзларига тегишли улушга мувофиқ унинг мол-мулкнинг бир қисмини олиш ҳуқуқига эга.

9 – МОДДА

**АКЦИЯДОРЛАРНИНГ УМУМЙ ЙИГИЛИШИНING ВАКОЛАТЛАРИ,
ЖАМИЯТ БОШҚАРУВИНИНГ ТУЗИЛИШИ, ИЖРОИЯ ВА НАЗОРАТ
ОРГАНЛАРНИНГ САЙЛАШ ТАРТИБИ**

Акциядорларнинг умумий йиғилиши, кузатув кенгаши ва ижроия органи (Директор) жамиятнинг бошқарув органларидир.

9.1. Акциядорларнинг умумий йиғилиши Жамиятнинг юқори бошқарув органидир.

9.2. Жамият ҳар йили акциядорларнинг йиллик умумий йиғилишини ўтказиши шарт.

9.3. Акциядорларнинг умумий йиғилишини жамият кузатув кенгашининг раиси, у узрли сабабларга кўра бўлмаган тақдирда эса, жамият кузатув кенгашининг аъзоларидан бири олиб боради.

9.4. Акциядорларнинг йиллик умумий йиғилиши жамият уставида белгиланган муддатларда, аммо молия йили тугаганидан кейин олти ойдан кечиктирмай ўтказилади. Акциядорларнинг йиллик умумий йиғилишида жамиятнинг кузатув кенгашини сайлаш тўғрисидаги, жамиятнинг бошқарув аъзолари билан тузилган шартноманинг муддатини узайтириш, уни қайта тузиш ёки бекор қилиш мумкинлиги ҳақидаги масалалар ҳал этилади. шунингдек қонунчиликга мувофиқ жамиятнинг йиллик ҳисоботи ва бошқа ҳужжатлари кўриб чиқилади.

9.5. Акциядорларнинг йиллик умумий йиғилишидан ташқари ўтказиладиган умумий йиғилишлари навбатдан ташқари йиғилишлардир.

9.6. Акциядорларнинг умумий йиғилишини ўтказиш санаси ва тартиби, йиғилиш ўтказилиши ҳақида акциядорларга хабар бериш тартиби, акциядорларнинг умумий йиғилишини ўтказишга тайёргарлик вақтида акциядорларга бериладиган материалларнинг (ахборотнинг) рўйхати жамиятнинг Кузатув кенгаши томонидан белгиланади.

9.7. Акциядорлар умумий йиғилишининг кун тартибига киритилмаган масалалар бўйича қарор қабул қилиш ҳамда кун тартибига ўзгартириш киритишга ҳуқуқига эга эмас.

9.8. Овозга қўйилган масала бўйича акциядорлар умумий йиғилишининг қарори, агар Қонунда бошқача қоида белгиланмаган бўлса, жамиятнинг овоз берувчи акциялари эгалари бўлган, йиғилишда иштирок этаётган акциядорларнинг кўпчилик овози билан қабул қилинади.

9.9. Акциядорларнинг умумий йиғилишида овозга қўйилган, ҳал қилиш чоғида жамиятнинг оддий акциялари эгалари бўлган акциядорлар овоз бериш ҳуқуқига эга бўладиган масала юзасидан овозларни санаб чиқиш овоз берувчи акцияларнинг барчаси бўйича биргаликда амалга оширилади.

9.10. Акциядорлар умумий йиғилишининг ваколат доирасига қуйидагилар қиради:

- Жамият Уставига ўзгартириш ва қўшимчалар киритиш ёки Жамият Уставининг янги тахирини тасдиқлаш;
- Жамиятни қайта ташкил этиш;
- Жамият фаолиятини тугатиш, фаолиятни тугатиш бўйича тугатувчини тайинлаш ва оралик ҳамда якуний тугатиш балансини тасдиқлаш;
- Жамият Кузатув кенгаши таркибини аниқлаш, унинг аъзоларини сайлаш ва уларнинг ваколатини муддатидан илгари тугатиш;
- эълон қилинган акцияларнинг энг кўп миқдорини белгилаш;
- Жамиятнинг Устав фондини камайтириш;
- ўз акцияларини сотиб олиш;
- Жамиятнинг ташкилий тузилмасини тасдиқлаш;
- Жамиятнинг йиллик ҳисоботини, шунингдек Жамият фаолиятининг асосий йўналишлари ва мақсадидан келиб чиққан ҳолда жамиятни ўрта муддатга ва узок муддатга ривожлантиришнинг аниқ муддатлари белгиланган стратегиясини тасдиқлаш;
- Жамиятнинг фойдаси ва зарарларини тақсимлаш;
- Жамият кузатув кенгашининг ўз ваколат доирасига қирадиган масалалар юзасидан, шу жумладан жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатув кенгашининг ҳисоботларини эшитиш;

• Жамият томонидан акцияларни ва акцияларга айирбошладиган эмиссиявий кимматли қоғозларни жойлаштиришда, қонунчиликда белгилангандек, акциядорлар имтиёзли ҳуқуқни қўлламаслик тўғрисида қарорни қабул қилиш;

- акциядорлар умумий йиғилишининг регламентини тасдиқлаш;
- акцияларни майдалаш ва йириклаштириш;
- баланс қиймати ёки олиш қиймати битим тузиш тўғрисида қарор қабул қилинаётган санада жамият соф активлари миқдорининг эллик фоизидан ортигини ташкил этувчи мол-мулк хусусида йирик битим тузиш тўғрисидаги қарорни қабул қилиш. Жамият томонидан мол-мулкни олиш ёки уни бошқа шахсга бериш ёхуд мол-мулкни бошқа шахсга бериш эҳтимоли билан боғлиқ битим (шу жумладан қарз, кредит, гаров, кафиллик) ёки ўзаро боғланган бир нечта битим, йирик битим деб ҳисобланади, кундалик ҳўжалик фаолиятини юритиш жараёнида тузиладиган битимлар ҳамда акцияларни ва бошқа кимматли қоғозларни жойлаштириш билан боғлиқ бўлган битимлар бундан мустасно.

- агар жамият Кузатув кенгашининг икки ва ундан ортиқ аъзоси аффилиланган шахс бўлса, битим бўйича қарорни қонунчиликда белгиланган тартибда ва муддатларда қабул қилиш;

- мажбурий аудиторлик текширувини ўтказиш учун аудиторлик ташкилотини белгилаш, унинг хизматларига тўланадиган максимал миқдори ва у билан шартнома тузиш (бекор қилиш) тўғрисида қарор қабул қилиш;

- қонунчилик ҳужжатларига мувофиқ бошқа масалаларни ҳал этиш.

9.11. Акциядорлар умумий йиғилишининг ваколат доирасига киритилган масалалар жамиятнинг ижроия органи ҳал қилиши учун берилиши мумкин эмас.

9.12. Акциядорлар умумий йиғилишининг ваколат доирасига киритилган масалалар жамиятнинг кузатув кенгаши ҳал этиши учун берилиши мумкин эмас, қуйидагилар бундан мустасно:

- Жамиятнинг устав фондини кўпайтириш, шунингдек жамият уставига жамиятнинг устав фондини кўпайтириш ҳамда жамиятнинг эълон қилинган акциялари сонини камайитириш билан боғлиқ ўзгартиш ва қўшимчалар киритиш;

- қонунчиликга мувофиқ акцияларни жойлаштириш (ташкил этилган кимматли қоғозлар савдоларига чиқариш) нархини белгилаш;

- Жамиятнинг ижроия органини тузиш, унинг раҳбарини сайлаш (тайинлаш), раҳбарнинг ваколатларини муддатидан илгари тугатиш;

- Жамиятнинг ижроия органига тўланадиган ҳақ ва компенсациялар миқдорларини белгилаш;

- Жамиятнинг йиллик бизнес-режасини тасдиқлаш.

9.13. Акциядорлар умумий йиғилишида овозга қўйилган масалалар бўйича жамиятнинг оддий акцияларининг эгалари бўлмиш акциядорлар овоз бериш ҳуқуқига эгадир.

9.14. Акциядорларнинг умумий йиғилишида иштирок этиш ҳуқуқига акциядорларнинг умумий йиғилиши ўтказиладиган санадан 3 (уч) иш куни олдин шакллантирилган Жамият акциядорларининг реестрида қайд этилган акциядорлар эга бўлади.

9.15. Акциядорларнинг умумий йиғилишида иштирок этиш ҳуқуқи акциядор томонидан шахсан ёки унинг вакили орқали амалга оширилади. Акциядор акциядорларнинг умумий йиғилишидаги ўз вакилини исталган вақтда алмаштиришга ёки йиғилишда шахсан ўзи иштирок этишга ҳақлидир. Акциядорнинг вакили акциядорларнинг умумий йиғилишида вакил қилинган шахс тўғрисидаги маълумотларни (исми-шарифи ёки номи, яшаш жойи ёки жойлашган ери, паспортига ёки идентификацияловчи ID-картасига оид маълумотлар) ўз ичига олган ёзма шаклда тузилган ишончнома асосида иш юритади. Жисмоний шахс номидан берилган овоз беришга доир ишончнома нотариал тартибда тасдиқланган бўлиши керак. Юридик шахс номидан овоз беришга доир ишончнома унинг раҳбарининг имзоси ва ушбу юридик шахснинг муҳри билан тасдиқланган ҳолда берилади.

9.16. Акциядорларнинг умумий йиғилишини ўтказиш тўғрисидаги хабар акциядорларнинг умумий йиғилиши ўтказиладиган санадан камида 21 (йигирма бир) кундан кечиктирмай, лекин узоғи билан 30 (ўттиз) кун олдин Корпоратив ахборотнинг ягона

порталида, жамиятнинг расмий веб-сайтида ва оммавий ахборот воситаларида эълон қилинади, шунингдек акциядорларга электрон почта орқали юборилади.

9.17. Акциядорларнинг умумий йиғилишини ўтказиш тўғрисидаги хабарда қуйидагилар кўрсатилиши керак:

- Жамиятнинг номи, жойлашган ери (почта манзили) ва электрон почта манзили;
- умумий йиғилиш ўтказиладиган сана, вақт ва жой;
- Жамият акциядорларининг реестри шакллантириладиган сана;
- умумий йиғилиш кун тартибига киритилган масалалар;
- умумий йиғилишни ўтказишга тайёргарлик кўриляётганда акциядорларга тақдим этилиши лозим бўлган ахборот (материаллар) билан акциядорларни таништириш тартиби;
- акциядорларнинг умумий йиғилишида, шу жумладан масофадан туриб ахборот-коммуникация технологияларидан фойдаланган ҳолда иштирок этиш ва овоз бериш тартиби.

9.18. Акциядорларнинг умумий йиғилишини ўтказишга тайёргарлик кўриляётганда акциядорларга тақдим этилиши лозим бўлган ахборотга (материалларга) Жамиятнинг йиллик ҳисоботи, Жамиятнинг йиллик молия-хўжалик фаолиятини текшириш натижалари юзасидан аудиторлик ташкилотининг хулосаси, Жамиятнинг кузатув кенгаши аъзолигига номзодлар тўғрисидаги маълумотлар, Жамиятнинг Уставига киритиладиган ўзгартиш ва қўшимчалар лойиҳаси ёки Жамиятнинг янги таҳрирдаги Устави лойиҳаси ва қонунчиликка мувофиқ бошқа ахборотлар қиради.

9.19. Акциядорларнинг умумий йиғилишини ўтказишга тайёргарлик кўриляётганда акциядорларга тақдим этилиши мажбурий бўлган қўшимча ахборотнинг (материалларнинг) рўйхати қимматли қоғозлар бозорини тартибга солиш бўйича ваколатли давлат органи томонидан белгиланиши мумкин.

9.20. Жамият овоз берувчи акцияларининг ҳаммаси бўлиб камида 1 % (бир фоиз)га эга бўлган Жамият акциядорлари (акциядори), йил якуни бўйича кузатув кенгаши йиғилишини ўтказилишига 10 (ўн) кун колгунча акциядорларнинг йиллик умумий йиғилиши кун тартибига масалалар киритишга ҳамда жамият кузатув кенгашига бу органнинг миқдор таркибидан ошмайдиган тарзда номзодлар кўрсатишга ҳақли.

9.21. Акциядорлар (акциядор) Жамият Кузатув кенгашига ўзлари кўрсатган номзодлар рўйхатига акциядорларнинг йиллик умумий йиғилиши ўтказилиши тўғрисидаги хабар эълон қилинган санадан эътиборан 3 (уч) иш кунидан кечиктирмай ўзгартишлар киритишга ҳақли.

9.22. Акциядорлар умумий йиғилишининг кун тартибига масала уни қўйиш сабаблари, масалани киритаётган акциядорларнинг (акциядорнинг) исми-шарифи (номи), уларга тегишли акцияларнинг сони ва тури кўрсатилган ҳолда ёзма шаклда киритилади.

9.23. Жамият Кузатув кенгашига номзодлар кўрсатиш тўғрисида таклифлар киритилганда, шу жумладан ўзини ўзи номзод қилиб кўрсатилган тақдирда номзоднинг исми-шарифи, унга тегишли акцияларнинг сони ва тури (агар номзод жамият акциядори бўлса), шунингдек номзодни кўрсатаётган акциядорларнинг исми-шарифи (номи), уларга тегишли акцияларнинг сони ва тури кўрсатилади.

9.24. Жамиятнинг Кузатув кенгаши тушган таклифларни кўриб чиқиши ҳамда 9.20 бандда белгиланган муддат тугаганидан сўнг 10 (ўн) кундан кечиктирмай уларни акциядорларнинг Умумий йиғилиши кун тартибига киритиш тўғрисида ёки мазкур кун тартибига киритишни рад этиш ҳақида қарор қабул қилиши шарт. Акциядорлар (акциядор) томонидан киритилган масала акциядорлар умумий йиғилишининг кун тартибига, худди шунингдек кўрсатилган номзодлар Жамиятнинг кузатув кенгашига сайлов бўйича овоз бериш учун номзодлар рўйхатига киритилиши керак, қуйидаги ҳоллар бундан мустасно:

- акциядорлар (акциядор) 9.20 бандда белгиланган муддатга роя қилмаган бўлса;
- акциядорлар (акциядор) 9.20 бандда назарда тутилган миқдордаги жамиятнинг овоз берувчи акцияларининг эгаси бўлмаса;
- 9.22 бандда назарда тутилган маълумотлар тўлиқ бўлмаса;
- таклифлар қонунчилик талабларига мувофиқ бўлмаса.

9.25. Жамият Кузатув кенгашининг масалани акциядорлар умумий йиғилишининг кун тартибига ёки номзодни жамият кузатув кенгаши сайлов юзасидан овоз бериш учун номзодлар рўйхатига киритишни рад этиш тўғрисидаги далил-исботли қарори ана шу

масалани киритган ёки таклиф тақдим этган акциядорга (акциядорларга) қарор қабул қилинган кундан эътиборан узоғи билан 3 (уч) кундан кечиктирмай юборилади.

9.26. Акциядорлар умумий йиғилишида қабул қилинган қарор ҳамда овоз бериш яқунлари қарор қабул қилинган кундан бошлаб 30 (ўттиз) кундан кечиктирмай акциядорларга маълум қилинади.

9.27. Акциядор сабабли равишда йиғилишида иштирок этмаган ёки мазкур қарор қабул қилинишига қарши овоз берган ҳолатда акциядорлар умумий йиғилиши қарори юзасидан шикоят-эътироз билан судга мурожат қилиш ҳуқуқига эга.

9.28. Жамият Кузатув кенгашининг масалани акциядорлар умумий йиғилишининг кун тартибига ёки номзодни жамият Кузатув кенгашига сайлов бўйича овоз бериш учун номзодлар рўйхатига киритишни рад этиш тўғрисидаги қарори устидан судга шикоят қилиниши мумкин.

9.29. Акциядорларнинг навбатдан ташқари умумий йиғилиши Жамият Кузатув кенгашининг қарорига кўра унинг ўз ташаббуси асосида, шунингдек ёзма талаб тақдим этилган санада жамият овоз берувчи акцияларининг камида 5 % (беш фоиз)ига эгалик қилувчи акциядорнинг (акциядорларнинг) ёзма талаби асосида ўтказилади.

9.30. Жамият овоз берувчи акцияларининг камида 5 % (беш фоиз)ига эгалик қилувчи акциядорнинг (акциядорларнинг) ёзма талабига кўра акциядорларнинг навбатдан ташқари умумий йиғилишини чақириш акциядорларнинг навбатдан ташқари умумий йиғилишини ўтказиш ҳақида ёзма талаб тақдим этилган кундан эътиборан 30 (ўттиз) кундан кечиктирмай Жамиятнинг Кузатув кенгаши томонидан амалга оширилади.

9.31. Акциядорларнинг навбатдан ташқари умумий йиғилишини ўтказиш тўғрисидаги талабда йиғилиш кун тартибига киритилиши керак бўлган масалалар уларни киритиш сабаблари кўрсатилган ҳолда таърифланган бўлиши керак.

9.32. Жамиятнинг Кузатув кенгаши жамият овоз берувчи акцияларининг камида 5 % (беш фоиз)ига эгалик қилувчи акциядорнинг (акциядорларнинг) талабига кўра чақириладиган акциядорларнинг навбатдан ташқари умумий йиғилишининг кун тартибидаги масалалар матнига ўзгартишлар киритишга ҳақли эмас.

9.33. Акциядорларнинг навбатдан ташқари умумий йиғилишини чақириш тўғрисидаги талаб акциядордан (акциядорлардан) чиққан тақдирда, бу талабда умумий йиғилишни чақиришни талаб қилаётган акциядорнинг (акциядорларнинг) исми-шарифи (номи), унга тегишли акцияларнинг сони, тури кўрсатилган бўлиши лозим.

9.34. Акциядорларнинг навбатдан ташқари умумий йиғилишини чақириш тўғрисидаги талаб акциядорларнинг навбатдан ташқари умумий йиғилишини чақиришни талаб қилган шахс (шахслар) томонидан имзоланади.

9.35. Жамият овоз берувчи акцияларининг камида 5 % (беш фоиз)ига эгалик қилувчи акциядор (акциядорлар) акциядорларнинг навбатдан ташқари умумий йиғилишини чақириш тўғрисида талаб тақдим этган санадан эътиборан 10 (ўн) кун ичида Жамият Кузатув кенгаши акциядорларнинг навбатдан ташқари умумий йиғилишини чақириш тўғрисида ёки йиғилишни чақиришни рад этиш ҳақида қарор қабул қилиши керак.

9.36. Жамият овоз берувчи акцияларининг камида 5 % (беш фоиз)ига эгалик қилувчи акциядорнинг (акциядорларнинг) талабига кўра акциядорларнинг навбатдан ташқари умумий йиғилишини чақиришни рад этиш тўғрисидаги қарор қуйидаги ҳолларда қабул қилиниши мумкин, агар:

- акциядорларнинг навбатдан ташқари умумий йиғилишини чақиришни талаб қилаётган акциядор (акциядорлар) конунчиликда белгиланган миқдордаги жамият овоз берувчи акцияларининг эгаси бўлмаса;
- кун тартибига киритиш учун таклиф этилган масалалардан бирортаси ҳам акциядорлар умумий йиғилишининг ваколат доирасига кирмаса;
- кун тартибига киритиш учун таклиф этилган масала конунчилик талабларига мувофиқ бўлмаса.

9.37. Жамият Кузатув кенгашининг акциядорларнинг навбатдан ташқари умумий йиғилишини чақириш тўғрисидаги қарори ёки бундай йиғилишни чақиришни рад этиш

ҳақидаги асослантирилган қарори йиғилиш чақиришни талаб қилган шахсларга қарор қабул қилинган пайтдан эътиборан 3 (уч) иш кунидан кечиктирмай юборилади.

9.38. Жамият Кузатув кенгашининг акциядорларнинг навбатдан ташқари умумий йиғилишини чақиришни рад этиш тўғрисидаги қарори устидан судга шикоят қилиниши мумкин.

9.39. Жамият Кузатув кенгаши конунчиликда белгиланган муддат ичида акциядорларнинг навбатдан ташқари умумий йиғилишини чақириш тўғрисида қарор қабул қилмаган тақдирда ёки уни чақиришни рад этиш ҳақида қарор қабул қилган тақдирда, акциядорларнинг навбатдан ташқари умумий йиғилиши уни чақиришни талаб қилган шахслар томонидан чақирилиши мумкин. Бундай ҳолларда акциядорларнинг умумий йиғилишига тайёргарлик кўриш ва уни ўтказиш билан боғлиқ харажатларнинг ўрни акциядорлар умумий йиғилишининг қарорига кўра жамиятнинг маблағлари ҳисобидан қопланиши мумкин.

9.40. Агар Жамиятнинг акцияси бир нечта шахснинг умумий улушли мулкида бўлса, акциядорларнинг умумий йиғилишида овоз бериш ваколатлари уларнинг хоҳишига кўра умумий улушли мулк иштирокчиларидан бири ёки уларнинг умумий вакили томонидан амалга оширилади. Кўрсатиб ўтилган ҳар бир шахснинг ваколатлари тегишли тарзда расмийлаштирилган бўлиши керак.

9.41. Агар акциядорларнинг умумий йиғилишида иштирок этиш учун рўйхатдан ўтказиш тугалланган пайтда Жамиятнинг жойлаштирилган овоз берувчи акцияларининг жами 50 % (эллик фоиз)идан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг умумий йиғилиши ваколатли (кворумга эга) бўлади.

9.42. Акциядорларнинг умумий йиғилишини ўтказиш учун кворум бўлмаса, акциядорларнинг такрорий умумий йиғилишини ўтказиш санаси эълон қилинади. Акциядорларнинг такрорий умумий йиғилишини ўтказишда кун тартибини ўзгартиришга йўл қўйилмайди.

9.43. Агар акциядорларнинг ўтказилмай қолган йиғилиши ўрнига чақирилган такрорий умумий йиғилишида иштирок этиш учун рўйхатдан ўтказиш тугалланган пайтда Жамиятнинг жойлаштирилган овоз берувчи акцияларининг жами 40 % (қирк фоиз)идан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг такрорий умумий йиғилиши ваколатли бўлади.

9.44. Акциядорларнинг такрорий умумий йиғилишини ўтказиш тўғрисида хабар қилиш конунчиликда белгиланган муддатларда ва шаклда амалга оширилади.

9.45. Кворум бўлмаганлиги сабабли акциядорларнинг умумий йиғилишини ўтказиш санаси 20 (йигирма) кундан кам муддатга кўчирилган тақдирда, умумий йиғилишда иштирок этиш ҳуқуқига эга бўлган акциядорлар ўтказилмай қолган умумий йиғилишда иштирок этиш ҳуқуқига эга бўлган акциядорларнинг реестрига мувофиқ аниқланади.

9.46. Акциядорларнинг умумий йиғилишида овоз бериш "жамиятнинг овоз берувчи битта акцияси - битта овоз" принципи бўйича амалга оширилади, жамиятнинг кузатув кенгаши аъзоларини сайлаш бўйича кумулятив овоз беришни ўтказиш ҳоллари бундан мустасно.

9.47. Акциядорлар умумий йиғилишининг баённомаси акциядорларнинг умумий йиғилиши ёпилганидан кейин 10 (ўн) кундан кечиктирмай икки нусхада тузилади. Ҳар иккала нусха ҳам умумий йиғилишда раислик қилувчи ва умумий йиғилиш котиби томонидан имзоланади.

9.48. Акциядорлар умумий йиғилишининг баённомасида:

- акциядорларнинг умумий йиғилиши ўтказилган сана, вақт ва жой;
- Жамиятнинг овоз берувчи акцияларига эгаллик қилувчи акциядорлар эга бўлган овозларнинг умумий сони;

- умумий йиғилишда иштирок этган акциядорлар эга бўлган овозларнинг сони;

- умумий йиғилишнинг раиси (раёсати) ва котиби, йиғилиш кун тартиби кўрсатилади.

Акциядорлар умумий йиғилишининг баённомасида маърузаларнинг асосий қоидалари, овозга қўйилган масалалар ҳамда улар юзасидан ўтказилган овоз бериш яқунлари, йиғилиш қабул қилган қарорлар кўрсатилиши лозим.

9.49. Акциядорларнинг умумий йиғилиши Ўзбекистон Республикасининг амалдаги қонунчиликга, ушбу Уставга ва Жамият акциядорларнинг умумий йиғилиши томонидан тасдиқланган «SIMURG» АЖнинг акциядорлар умумий йиғилиши тўғрисидаги Низом"га амал қилади.

10 – МОДДА

КУЗАТУВ КЕНГАШИ ВАКОЛАТЛАРИ

10.1. Жамиятнинг кузатув кенгаши жамият фаолиятига умумий раҳбарликни амалга оширади, ушбу қонунчилик ва жамият устави билан акциядорлар умумий йиғилишининг ваколат доирасига киритилган масалаларни ҳал этиш бундан мустасно.

10.2. Жамиятнинг Кузатув кенгаши амалдаги Ўзбекистон Республикаси Қонунида ва Жамият уставига белгиланган тартибда акциядорларнинг умумий йиғилиши томонидан 3 (уч) йил муддатга сайланадиган 5 (беш) нафар аъзодан иборат.

10.3. Акциядорлар умумий йиғилиши қарорига кўра жамият Кузатув кенгаши аъзоларига улар ўз вазифаларини бажариб турган даврида рағбатлантирувчи мукофот туланиши ва (ёки) Кузатув кенгашининг аъзоси вазифасини бажариш билан боғлиқ харажатлари қопланиши мумкин. Бундай мукофотлаш ва тўловларнинг миқдори акциядорлар умумий йиғилиши қарори билан белгиланади.

10.4. Жамиятнинг Кузатув кенгаши таркибига сайланган шахслар чекланмаган тарзда қайта сайланиши мумкин.

10.5. Жамият Директори Кузатув кенгашига сайланиши мумкин эмас. Айни шу жамиятда меҳнат шартномаси (контракт) бўйича ишлаётган шахслар Жамиятнинг Кузатув кенгаши аъзоси бўлиши мумкин эмас.

10.6. Жамият Кузатув кенгашининг ваколат доирасига қуйидагилар қиради:

- Жамиятни ривожлантириш стратегиясига эришиш бўйича кўрилаётган чора-тадбирлар ва Жамиятнинг йиллик бизнес-режасини курсаткичларини ижроси юзасидан Жамият ижроия органининг ҳисоботини мунтазам равишда эшитиб борган ҳолда Жамият фаолиятининг устувор йўналишларини белгилаш;

- амалдаги қонунларда белгиланган корпоратив бошқарув нормаларига риоя қилинаётганлиги, шу жумладан Жамиятни ривожлантириш стратегиясига эришиш бўйича кўрилаётган чора-тадбирлар тўғрисида акциядорларнинг умумий йиғилишида ҳар йили ҳисобот бериш;

- акциядорларнинг йиллик ва навбатдан ташқари умумий йиғилишларини чақириш, бундан қонунчиликда тутилган ҳоллар мустасно;

- акциядорлар умумий йиғилишининг кун тартибини тайёрлаш;

- акциядорларнинг умумий йиғилиши ўтказиладиган сана, вақт ва жойни белгилаш;

- акциядорларнинг умумий йиғилиши ўтказилиши ҳақида хабар қилиш учун Жамият акциядорларининг реестрини шакллантириш санасини белгилаш;

- қонунчиликда назарда тутилган масалаларни акциядорларнинг умумий йиғилиши ҳал қилиши учун киритиш;

- мол-мулкнинг бозор қийматини белгилашни ташкил этиш;

- Жамиятнинг ижроия органини тузиш, унинг раҳбарини ва Жамият Бошқаруви аъзоларини сайлаш (тайинлаш), раҳбарнинг ваколатларини муддатидан илгари тугатиш. Акциядорлик жамияти ижро органининг раҳбарини тайинлаш тўғрисидаги қарор, одатда, хорижий менежерлар ҳам иштирок этиши мумкин бўлган танлов асосида қабул қилинади;

- Жамиятнинг йиллик бизнес-режасини тасдиқлаш. Бунда Жамиятнинг келгуси йилга мўлжалланган бизнес-режаси Жамият Кузатув кенгаши мажлисида жорий йилнинг 1 декабридан кечиктирмай маъқулланиши лозим;

- Жамиятнинг йиллик ҳисоботи акциядорларнинг йиллик Умумий йиғилиши ўтказиладиган санадан 10 (ўн) кундан кечиктирмай маъқулланиши лозим;

- ички аудит хизматини ташкил этиш ва унинг ходимларини тайинлаш, шунингдек ҳар чоракда унинг ҳисоботларини эшитиб бориш;

- Жамият ижроия органининг фаолиятига дахлдор ҳар қандай ҳужжатлардан эркин фойдаланиш ва Жамият Кузатув кенгаши зиммасига юклатилган вазифаларни бажариш учун

бу ҳужжатларни ижроия органидан олиш. Жамият Кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;

- аудиторлик текширувини ўтказиш (мажбурий аудиторлик текшируви бундан мустасно), аудиторлик ташкилотини белгилаш, унинг хизматларига тўланадиган энг кўп ҳақ миқдори ва у билан шартнома тузиш (шартномани бекор қилиш) тўғрисида қарор қабул қилиш;

- дивиденд миқдори, уни тўлаш шакли ва тартиби юзасидан тавсиялар бериш;
- Жамиятнинг захира фондидан ва бошқа фондларидан фойдаланиш;
- Жамиятнинг филиалларини ташкил этиш ва ваколатхоналарини очиш;
- Жамиятнинг шўъба ва тобе хўжалик жамиятларини ташкил этиш;
- баланс қиймати ёки олиш қиймати битим тузиш (шу жумладан қарз, кредит, гаров, кафиллик) тўғрисида қарор қабул қилинаётган санада жамият соф активлари миқдорининг 15 (ўн беш)дан 50 % (эллик фоиз)игача ташкил этувчи мол-мулк хусусида битим тузиш тўғрисидаги қарорни Жамият Кузатув кенгаши аъзолари томонидан бир овоздан қабул қилиш. бунда Кузатув кенгашидан чиқиб кетган аъзоларнинг овози инобатга олинмайди;

- йирик битим тузиш масаласи бўйича Жамият Кузатув кенгашининг яқдиллигига эришилмаган тақдирда, йирик битим тўғрисидаги масала акциядорлар умумий йиғилишига ҳал қилиши учун олиб чиқилади;

- аффилланган шахс билан тузиладиган битим тўғрисидаги ахборотни ўрганаш ва аффилланган шахснинг ёзма билдириши жамиятга келиб тушган санадан эътиборан 15 (ўн беш) кундан кечиктирмай битим бўйича қарор қабул қилиш. Аффилланган шахс билан тузилаётган битимни маъқуллаш ҳақидаги қарор мажлисда иштирок этаётган жамият кузатув кенгаши аъзолари томонидан бир овоздан қабул қилиш;

- Жамиятнинг тижорат ва нотижорат ташкилотлардаги иштироки билан боғлиқ битимларни қонунчилик ҳужжатларида белгиланган тартибда тузиш;

- Жамиятнинг Устав фондини кўпайтириш масалаларини, шунингдек Жамият Уставига жамиятнинг устав фондини кўпайтириш ҳамда жамиятнинг эълон қилинган акциялари сонини камайтириш билан боғлиқ ўзгартиш ва қўшимчалар киритиш тўғрисидаги масалаларни бир овоздан қабул қилиш;

- қонунчилик ҳужжатларига мувофиқ акцияларни жойлаштириш (қимматли қоғозларнинг ташкилий савдосига қўйиш) нархини белгилаш;

- Жамият томонидан акциялар, корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;

- қимматли қоғозлар эмиссия рисоласини ва акциялар чиқарилиши тўғрисида қарорларини тасдиқлаш;

- Жамиятнинг корпоратив облигацияларини қайтариб сотиб олиш тўғрисида қарор қабул қилиш;

- ижроия органига тўланадиган ҳақ ва компенсацияларнинг миқдорларини белгилаш;

- амалдаги қонунчилик ҳужжатлари ҳамда Жамият Уставига асосан Жамият Кузатув кенгаши ваколатига кирган бошқа масалалари ҳал этиш.

Жамият Кузатув кенгаши ваколатига кирган масалалар Жамият ижроия органига ҳал қилиш учун берилиши мумкин эмас.

10.7. Жамиятнинг Кузатув кенгаши аъзолари сайлови кумулятив овоз бериш орқали амалга оширилади. Кумулятив овоз беришда ҳар бир акциядорга тегишли овозлар сони Жамиятнинг Кузатув кенгашига сайланиши лозим бўлган шахслар сонига кўпайтирилади ва акциядор шу тариқа олинган овозларни битта номзодга тўлиқ беришга ёки икки ва ундан ортиқ номзодлар ўртасида тақсимлашга ҳақли.

10.8. Энг кўп овоз тўплаган номзодлар Жамият Кузатув кенгашининг таркибига сайланган деб ҳисобланади.

10.9. Жамият Кузатув кенгашининг раиси Кузатув кенгаши аъзоларининг умумий сонига нисбатан кўпчилик овоз билан, ушбу кенгаш таркибидан Кузатув кенгаши аъзолари томонидан сайланади.

10.10. Жамиятнинг Кузатув кенгаши ўз раисини Кузатув кенгаши аъзоларининг умумий сонига нисбатан кўпчилик овоз билан қайта сайлашга ҳақли.

10.11. Жамият Кузатув кенгашининг раиси унинг ишини ташкил этади, Кузатув кенгаши йиғилишларини чакиради ва уларда раислик қилади, йиғилишда баённома юритилишини ташкил этади, акциядорларнинг умумий йиғилишида раислик қилади.

10.12. Жамият Кузатув Кенгашининг раиси бўлмаган тақдирда унинг вазифасини кузатув кенгашининг аъзоларидан бири амалга оширади.

10.13. Жамият Кузатув кенгашининг йиғилиши Кузатув кенгаши раиси томонидан унинг ўз ташаббусига кўра, Жамият Кузатув кенгаши, ижроия органи аъзосининг, шунингдек Жамият Уставида белгиланган бошқа шахсларнинг талабига кўра чакирилади. Жамият Кузатув кенгашининг йиғилишини чакириш ва ўтказиш тартиби Жамиятнинг Уставида белгилаб қўйилади.

10.14. Жамият Кузатув кенгашининг йиғилишини ўтказиш учун кворум Жамият Кузатув кенгашига сайланган аъзоларнинг 75 % (етмиш беш фоиз)дан кам бўлмаслиги керак. Жамият Кузатув кенгаши аъзоларининг сони Жамият Уставида назарда тутилган миқдорнинг 75 % (етмиш беш фоиз)дан кам бўлган тақдирда, Жамият Кузатув кенгашининг янги таркибини сайлаш учун акциядорларнинг навбатдан ташқари умумий йиғилишини чакириши шарт. Кузатув кенгашининг қолган аъзолари акциядорларнинг бундай навбатдан ташқари умумий йиғилишини чакириш тўғрисида қарор қабул қилишга, шунингдек Жамият ижроия органи раҳбарининг ваколатлари муддатидан илгари тугатилган тақдирда, унинг вазифасини вақтинча бажарувчини тайинлашга ҳақлидир.

10.15. Жамият Кузатув кенгашининг йиғилишида қарорлар, агар Кузатув кенгашининг йиғилишини чакириш ва ўтказиш тартибини белгилловчи қонунчиликда, Жамият Уставида ўзгача қоида назарда тутилмаган бўлса, йиғилишида ҳозир бўлганларнинг кўпчилик овози билан қабул қилинади. Жамият Кузатув кенгашининг йиғилишида масалалар ҳал этилаётганда Кузатув кенгашининг ҳар бир аъзоси битта овозга эга бўлади.

10.16. Жамият кузатув кенгашининг бир аъзоси ўз овозини кузатув кенгашининг бошқа аъзосига беришга йўл қўйилмайди.

10.17. Жамият уставида жамият кузатув кенгаши аъзоларининг овозлари тенг бўлган тақдирда кузатув кенгаши томонидан қарор қабул қилишда жамият кузатув кенгаши раисининг ҳал қилувчи овоз ҳукуки назарда тутилиши мумкин.

10.18. Жамият Кузатув кенгашининг йиғилишида баённомаси юритилади. Кузатув кенгаши йиғилишининг баённомаси йиғилиш ўтказилганидан сўнг 10 (ўн) кундан кечиктирмай тузилади. Йиғилиш баённомасида қуйидагилар кўрсатилади:

- унинг ўтказилиши санаси, вақти ва жойи;
- йиғилишда иштирок этувчи шахслар, шу жумладан масофадан туриб ахборот-коммуникация технологияларидан фойдаланган ҳолда;
- йиғилиш кун тартиби;
- овозга беришга қўйилган масалалар, улар юзасидан ўтказилган овоз бериш яқунлари;
- қабул қилинган қарорлар.

10.19. Жамият Кузатув кенгаши йиғилишининг баённомаси йиғилишда иштирок этган Кузатув кенгаши аъзолари томонидан имзоланади, улар баённоманинг тўғри расмийлаштирилиши учун жавоб бўлади.

10.20. Жамият Кузатув кенгашининг қарорлари сиртдан овоз бериш йўли билан (сўров йўли билан) Жамият Кузатув кенгашининг барча аъзолари томонидан бир овоздан қабул қилиниши мумкин. Жамият Кузатув кенгаши мажлисининг баённомаси имзоланган кунни Жамиятнинг ижроия органига ижро этиш учун топширилади. Кузатув кенгаши акциядорларнинг умумий йиғилишини чакириш тўғрисида қарор қабул қилган тақдирда мазкур қарор ҳақидаги ахборот Жамиятнинг ижроия органига Кузатув кенгашининг мажлиси ўтказиладиган кунни топширилади.

10.21. Жамият Кузатув кенгаши қарорига кўра Жамиятда Кузатув кенгашига ҳисоботдор бўлган ва корпоратив қонунчилик бажарилишини назорат қилиш вазифасини амалга киритувчи корпоратив маслаҳатчиси лавозими киритилиши мумкин. Жамият

корпоратив маслахатчисининг фаолияти Жамият Кузатув кенгаши томонидан тасдиқланган Низом асосида амалга оширилади.

10.22. Ўз фаолиятида Кузатув кенгаши Ўзбекистон Республикаси амалдаги қонунчиликга, ушбу Уставга ва Жамиятнинг акциядорлар умумий йиғилиши томонидан тасдиқланган "«SIMURG» АЖнинг Кузатув кенгаши тўғрисидаги Низом"га амал қилади.

11 – МОДДА

ЖАМИЯТНИНГ ИЖРОИЯ ОРГАНИ ВА УНИНГ ВАКОЛАТЛАРИ

11.1. Жамиятнинг қундалик фаолиятига раҳбарлик Директор томонидан амалга оширилади.

11.2. Директор Жамият номидан ишончномасиз иш юритади, шу жумладан бошқа ташкилот ва органлар билан ўзаро муносабатда унинг манфаатларини ифодалайди, Жамият номидан битимлар тузади, Жамият филиаллари ва ваколатхоналари бошлиқларини тайинлайди, ходимлар штат жадвалини тасдиқлайди, Жамият ходимлари томонидан бажарилиши мажбурий бўлган буйруқ чиқаради ва кўрсатмалар беради.

11.3. Директор акциядорлар Умумий йиғилиши ва Жамият Кузатув кенгаши қарорларининг бажарилишини ташкил этади.

11.4. Директор ваколатларига Жамиятнинг қундалик фаолиятига раҳбарлик қилишга доир барча масалалар қиради, акциядорлар Умумий йиғилишининг мутлақ ваколатларига ёки Кузатув кенгашининг ваколатларига киритилган масалалар бундан мустасно, шу жумладан:

- Жамият номидан битим тузиш;
- Жамият Устави ёки бошқа ҳужжатларда кўрсатилгандек, мол-мулк ва пул маблағларини бошқариш;
- шартномалар тузиш, шу жумладан меҳнат шартномалари;
- ишончномалар бериш;
- банкларда ҳисоб рақами ва бошқа турдаги ҳисоб рақамлари очиш.

11.5. Жамият Директори аниқ ҳуқуқ ва мажбуриятлари қонунчилик ва бошқа қонун ҳужжатларида, ушбу Жамият Уставида ҳамда "«SIMURG» АЖ Бошқаруви тўғрисидаги Низомига" мувофиқ уларнинг ҳар бири билан Жамият 3 (уч) йил муддатга шартноматузилиши белгиланиб, шартноманинг амал қилиш муддатини узайтириш ёки уни бекор қилиш мумкинлиги тўғрисида ҳар йили қарор қабул қилинади. Шартнома Жамият номидан Жамият Кузатув кенгашининг раиси ёки Кузатув кенгаши ваколат берган шахс томонидан имзоланади.

11.6. Директор Жамиятнинг Устави асосида ҳаракат қилади.

11.7. Директорни сайлаш (тайинлаш) ва муддатдан илгари ваколатини тўхтатиш Кузатув кенгаши қарори билан амалга ошади.

11.8. Жамият Кузатув кенгаши қарорига асосан Директорни тайинлаш, хорижий менежерлар ҳам иштирок этиши мумкин бўлган ҳолда, танлов асосида қабул қилинади.

11.9. Жамият Кузатув кенгашининг аъзолари, Директор ўз ҳуқуқларини амалга оширишда ва ўз мажбуриятларини бажаришда Жамиятнинг манфаатларини кўзлаб иш тутиши ҳамда белгиланган тартибда жавобгар бўлиши лозим.

11.10. Агар ушбу модда қоидаларига мувофиқ бир нечта шахс жавобгар бўлса, уларнинг Жамият олдидаги жавобгарлиги солидар жавобгарлик бўлади.

11.11. Жамиятга зарар етказилишига сабаб бўлган қарорга овоз беришда иштирок этмаган ёки ушбу қарорга қарши овоз берган Жамият Кузатув кенгаши аъзолари, Бошқарув аъзолари жавобгар бўлмайди.

11.12. Жамият ёки у жойлаштирган акцияларнинг ҳаммаси бўлиб камида 1 % (бир фоиз) эгалик қилувчи акциядор (акциядорлар) Жамиятга етказилган зарарларнинг ўрнини қоплаш тўғрисидаги даъво билан Жамиятнинг Кузатув кенгаши аъзоси, Бошқарув аъзоси устидан судга мурожаат қилишга ҳақли.

11.13. Директорга тўғридан-тўғри боғлиқ бўлиб Шартномада белгиланиши керак.

11.14. Жамият Директорининг вазифасини бошқа ташилотларнинг бошқарув органларидаги лавозимларни ўриндошлик йўли билан бир шахснинг эгаллашига Жамият Кузатув кенгаши розилиги билангина йўл қўйилади

11.15. Жамият Кузатув кенгаши Директор билан тузилган шартномани муддатидан илгари тугатиш (бекор қилиш) ҳуқуқига эга, агар шартнома шартларини, Жамият Уставини қўпол тарзда бузишга йўл қўйган бўлса ёки унинг ҳаракатлари (ҳаракатсизлиги) туфайли Жамиятга зарар етказилган бўлса.

11.16. Кузатув кенгаши томонидан Жамият ижроия органининг ваколатларини тугатиш тўғрисида қарор қабул қилинган тақдирда Ижроия органининг ваколатларини бошқа шахсга ўтказиш тўғрисида масала ўша йиғилишнинг ўзида ҳал этилиши ёки Ижроия органи раҳбарининг вазифасини вақтинча бажарувчи шахсни тайинланган ҳолда яқин орадаги бўладиган йиғилишида қўриб чиқиш учун қолдирилиши мумкин.

12- МОДДА

ФИЛИАЛЛАР, ВАКОЛАТХОНАЛАР, ШЎЪБА ВА ТОБЕ ЖАМИЯТЛАР ВА КОРХОНАЛАРНИ ТАШКИЛ ЭТИШ ВА ФАОЛИЯТИ ЮРИТИШ ТАРТИБИ

12.1. Жамият Жамиятнинг кузатув кенгаши томонидан тасдиқланган низом асосида иш юритадиган, юридик шахс бўлмаган филиаллар ташкил этишга ва ваколатхоналар очишга ҳақли. Жамиятнинг филиалга ва ваколатхонага бериб қўйилган мол-мулки жамиятнинг балансида ҳисобга олинади.

12.2. Филиал ёки ваколатхонанинг раҳбари жамият томонидан тайинланади ва жамият томонидан берилган ишончнома асосида иш юритади.

12.3. Жамият томонидан Ўзбекистон Республикасидан ташқарида филиаллар ташкил этиш ва ваколатхоналар очиш, агар Ўзбекистон Республикасининг халқаро шартномасида бошқача қоида назарда тутилмаган бўлса, филиаллар ва ваколатхоналар жойлашган ердаги мамлакатнинг қонун ҳужжатларига мувофиқ амалга оширилади.

12.4. Жамият акциядорлик жамияти ёки масъулияти чекланган жамият шаклидаги шўъба ва тобе ҳўжалик жамиятларига эга бўлиши мумкин. Шўъба ҳўжалик жамияти ўзининг асосий жамияти мажбуриятлари юзасидан жавобгар бўлмайди.

12.5. Шўъба ҳўжалик жамиятига мажбурий кўрсатмалар бериш ҳуқуқига эга бўлган асосий жамият бундай кўрсатмаларни бажариш учун шўъба ҳўжалик жамияти томонидан тузилган битимлар юзасидан шўъба ҳўжалик жамияти билан солидар жавобгар бўлади. Асосий жамиятнинг шўъба ҳўжалик жамиятига мажбурий кўрсатмалар бериш ҳуқуқи фақат шўъба ҳўжалик жамияти билан тузилган шартномада ёки шўъба ҳўжалик жамиятининг уставида назарда тутилган тақдирда асосий жамият бундай ҳуқуққа эга деб ҳисобланади.

12.6. Шўъба ҳўжалик жамияти асосий жамиятнинг айби билан банкрот бўлган тақдирда асосий Жамият шўъба ҳўжалик жамиятининг мажбуриятлари юзасидан субсидиар жавобгар бўлади.

12.7. Асосий жамият шўъба ҳўжалик жамияти томонидан муайян ҳаракатлар амалга оширилиши оқибатида унинг банкрот бўлиб қолишини олдиндан била туриб, шундай ҳаракатларни амалга ошириши учун шўъба ҳўжалик жамиятига мажбурий кўрсатма берган ва (ёки) шўъба ҳўжалик жамиятининг имкониятидан фойдаланган ҳоллардагина шўъба ҳўжалик жамиятининг банкротлиги асосий жамиятнинг айби билан юз берган деб ҳисобланади.

12.8. Шўъба ҳўжалик жамиятининг акциядорлари (иштирокчилари) асосий жамиятдан унинг айби билан шўъба ҳўжалик жамиятига етказилган зарарнинг ўрни қопланишини талаб қилишга ҳақли. Асосий Жамият шўъба ҳўжалик жамияти томонидан муайян ҳаракатлар амалга оширилиши оқибатида унинг зарар қўришини олдиндан била туриб, ўз ҳуқуқлари ва (ёки) имкониятидан шўъба ҳўжалик жамиятининг шундай ҳаракатларни амалга ошириши мақсадида фойдаланган ҳолдагина зарар асосий жамиятнинг айби билан етказилган деб ҳисобланади.

12.9. Агар бошқа иштирок этувчи жамият ҳўжалик жамиятининг овоз берувчи акцияларининг 20 % (йигирма фоиз)идан ортигига эга бўлса, ҳўжалик жамияти тобе деб эътироф этилади.

13 – МОДДА

ЙИЛЛИК ХИСОБОТЛАРНИ ТУЗИШ, ТЕКШИРИШ ВА ТАСДИҚЛАШ ТАРТИБИ

13.1. Жамият конун ҳужжатларида белгиланган тартибда бухгалтерия ҳисобини юритиши ва молиявий ҳисобот тақдим этиши шарт.

13.2. Жамиятда бухгалтерия ҳисобининг ташкил этилиш, ҳолати ва ишончлиги, тегишли органларга ҳар йилги ҳисобот ва бошқа молиявий ҳисоботлар, шунингдек жамиятнинг расмий веб-сайтида ва оммавий ахборот воситаларида акциядорларга, кредиторларга тақдим этиладиган жамият фаолияти тўғрисидаги маълумотлар ўз вақтида тақдим этилиши учун жавобгарлик Жамият ижроия органининг зиммасида бўлади.

13.3. Жамиятнинг молиявий ҳисоботида кўрсатилган ва акциядорларнинг умумий йиғилишига тақдим этиладиган молиявий ҳисоботдаги, бухгалтерия балансидаги, фойда ва зарарлар ҳисобварағидаги маълумотларнинг ишончилиги мулкӣ манфаатлари жамият ёки унинг акциядорлари билан боғлиқ бўлмаган аудиторлик ташкилоти томонидан тасдиқланган бўлиши керак.

13.4. Жамиятнинг йиллик ҳисоботи акциядорларнинг йиллик умумий йиғилиши ўтказиладиган санадан 10 (ўн) кундан кечиктирмай Жамиятнинг Кузатув кенгаши томонидан дастлабки тарзда тасдиқланиши лозим.

13.5. Жамият Халқаро молиявий ҳисобот стандартларига мувофиқ тузилган йиллик молиявий ҳисоботни у Халқаро аудит стандартларига мувофиқ ташки аудитдан ўтказилганидан кейин, акциядорларнинг йиллик умумий йиғилиши ўтказиладиган санадан камида 2 (икки) ҳафта олдин эълон қилиши шарт.

14-МОДДА

ЖАМИЯТНИ ҚАЙТА ТАШКИЛ ЭТИШ ВА ТУГАТИШ ТАРТИБИ

14.1 Жамият қуйидаги ҳолларда тугатилиши мумкин:

- акциядорлар умумий йиғилишнинг қарорига биноан;
- суднинг қарори биноан;
- қонунчилик ҳужжатларида назарда тутилган бошқа асосларга биноан.

14.2. Жамият ихтиёрий равишда тугатилган тақдирда, тугатилаётган жамиятнинг кузатув кенгаши жамиятни тугатиш ва тугатиш комиссиясини тайинлаш тўғрисидаги масалани акциядорларнинг умумий йиғилиши ҳал қилиши учун олиб чиқади. Ихтиёрий равишда тугатилаётган жамият акциядорларининг умумий йиғилиши жамиятни тугатиш ва тугатувчини тайинлаш ҳақида қарор қабул қилади.

14.3. Жамият суднинг қарорига кўра тугатилганда тугатиш комиссиясини тайинлаш қонун ҳужжатларида белгиланган тартибда амалга оширилади.

14.4. Тугатиш комиссияси жамиятнинг тугатилиши ҳақида, шунингдек унинг кредиторлари томонидан талабларни баён этиш тартиби ва муддатлари тўғрисида қонун ҳужжатларида белгиланган тартибда оммавий ахборот воситаларида эълон беради. Кредиторлар томонидан талаблар тақдим этиш учун муддат жамиятнинг тугатилиши тўғрисидаги хабар эълон қилинган санадан эътиборан 2 (икки) ойдан кам бўлмаслиги лозим.

Агар тугатиш тўғрисида қарор қабул қилинган пайтга келиб жамият кредиторлар олдида мажбуриятларга эга бўлмаса, унинг мол-мулки Қонун ҳужжатларига мувофиқ акциядорлар ўртасида тақсимланади.

14.5. Тугатиш комиссияси кредиторларни аниқлаш ва дебиторлик қарзларини олиш чора-тадбирларини кўради, шунингдек кредиторларни жамиятнинг тугатилиши тўғрисида ёзма шаклда хабардор қилади.

14.6. Кредиторларнинг талаблар қўйиши учун белгиланган муддат тугаганидан кейин тугатиш комиссияси оралик тугатиш балансини тузади, мазкур балансда тугатилаётган жамият мол-мулкнинг таркиби, кредиторлар томонидан тақдим этилган талаблар, шунингдек уларни кўриб чиқиш натижалари ҳақидаги маълумотлар кўрсатилади. Оралик тугатиш баланси тугатилаётган Жамият акциядорларининг умумий йиғилиши томонидан тасдиқланади.

14.7. Агар тугатилаётган жамиятдаги мавжуд пул маблағлари кредиторларнинг талабларини қаноатлантириш учун етарли бўлмаса, тугатиш комиссияси Жамиятнинг мол-

мулкани суд қарорларини ижро этиш учун белгиланган тартибда кимошди савдосида сотишни амалга оширади.

Тугатилаётган Жамият кредиторларига пул суммаларини тўлаш тугатиш комиссияси томонидан қонун ҳужжатларида белгиланган навбат тартибида, оралиқ тугатиш балансига мувофиқ, ушбу баланс тасдиқланган қундан бошлаб амалга оширилади.

14.8. Кредиторлар билан ҳисоб-китоб тугаганидан кейин тугатиш комиссияси тугатиш балансини тузади, у тугатилаётган Жамият акциядорларнинг умумий йиғилиши томонидан тасдиқланади.

Тугатиш комиссияси ушбу моддада назарда тутилган тартиб-таомиллар тугалланганидан кейин жамият қимматли қоғозлари чиқарилишларининг давлат рўйхатидан ўтказилганлигини бекор қилиш юзасидан зарур тадбирларни қонун ҳужжатларида белгиланган тартибда ва муддатларда амалга оширади.

14.9. Рўйхатдан ўтказувчи орган юридик шахсларнинг ягона давлат реестрига тегишли ёзувни киритган пайтдан эътиборан жамиятни тугатиш тамомланган, жамият эса фаолиятини тугатган деб ҳисобланади.

14.10. Жамиятни қайта ташкил этиш акциядорлар умумий йиғилишининг қарорига кўра қўшиб юбориш, қўшиб олиш, бўлиш, ажратиш чиқариш ва ўзгартириш шаклида амалга оширилади.

15 - МОДДА

НИЗО ВА КЕЛИШМОВЧИЛИКЛАРНИ ХАЛ ҚИЛИШ ТАРТИБИ

15.1. Акциядорлик Жамиятнинг ташкил этилиши, фаолияти, қайта ташкил этилиши ва тугатилиши, шунингдек акциядорларнинг ҳуқуқларини ҳимоя қилиш соҳасидаги низолар қонун ҳужжатларида белгиланган тартибда ҳал этилади.

15.2. Низо ва келишмовчиликларни йўли билан ҳал қилиш имконияти бўлмаган тақдирда, улар Ўзбекистон Республикаси амалдаги қонун ҳужжатларига мувофиқ Ўзбекистон Республикаси суд томонидан ҳал этилади.

«SIMURG» АЖ Директори
Асфандиярова Тамила Камилъевна



000235

**СВИДЕТЕЛЬСТВО****О государственной регистрации юридического лица
(субъекта предпринимательства)**

Настоящим подтверждается, что в Единый государственный реестр субъектов предпринимательства внесена запись о создании:

Акционерное общество "SIMURG"

(Полное наименование юридического лица – субъекта предпринимательства с указанием организационно-правовой формы)

АО "SIMURG"

(Сокращенное наименование юридического лица)

07.07.1995

(Число, месяц (прописью), год):

За регистрационным номером:

000235-07

Идентификационный номер налогоплательщика (ИНН):

200547531

Организационно-правовая
форма:

Акционерное общество

Местонахождение:

город Ташкент, Яшнободский район, Parkent 7-tor ko'chasi, 2-
uy,

Свидетельство выдано:

город Ташкент, Яшнободский район, ЦЕНТР
ГОСУДАРСТВЕННЫХ УСЛУГ

(Полное наименование регистрирующего органа)



000235



Yuridik shaxs (tadbirkorlik subyektlari) davlat ro'yxatidan o'tkazilganligi to'g'risida

GUVOHNOMA

Ushbu bilan Tadbirkorlik subyektlari yagona davlat reyestriga

"SIMURG" Aksiyadorlik jamiyati

(Yuridik shaxsning → tadbirkorlik subyektlarining tashkiliy-huquqiy shakli ko'rsatilgan hollardagi to'liq nomi)

"SIMURG" AJ

(Yuridik shaxsning qisqartirilgan nomi)

Tashkil etish (qayta tashkil etish, boshqa ro'yxatdan o'tkazish ma'lumotlarini o'zgartirish)

07.07.1995

000235-07

ro'yxat raqamli yozuv kiritilganligi tasdiqlanadi.

(Sana, oy (so'z bilan), yil)

Soliq to'lovchining identifikatsiya raqami (STIR):

200547531

Tashkiliy-huquqiy
shakli:

Aksiyadorlik jamiyati

Joylashgan joyi:

Toshkent shahri, Yashnobod tumani, Parkent 7-tor ko'chasi, 2-uy,

Guvohnoma:

Toshkent shahri, Yashnobod tumani, DAVLAT XIZMATLARI tomonidan
MARKAZI berilgan

(Ro'yxatdan o'tkazuvchi organning to'liq nomi)

